

1014.

Handwritten

LIBRE
DISCOVERS
sur les mouuemens
derniers de la
France.

Et particulièrement de Poictou.

1614.

THE UNIVERSITY
LIBRARY

Case

F

39

.326

1614 li



DE L'AMBITION.

ARistoxene le Philosophe disoit que non seulement l'ame de l'homme, mais de la Nature aussi, n'estoit autre chose que l'harmonie. que c'est ceste belle Deesse laquelle à informé la matiere premiere: ou bien cest Amour le premier esclos du sein de la confusion, qui auoit pollicé toute la machine ronde; Disposant par sa sagesse, puissante & inimitable ouuriere, toutes choses, selon que de tout temps, & auant le temps, elles estoient proiectées au conseil inscrutable de la prouidence Diuine. Par ceste immense sagesse la matiere premiere informé Prototyppe du monde à esté desueloppée des ombres de la nuit: ce que les Platoniciens disoient auoir esté faict des mains de la Necessité: nous qui sommes Chrestiens nourris en l'eschole de Iesus-Christ, qui est l'Ame vniuerselle du tout, qui à ordonné toutes choses selon sa sainte volonté: qui peut ce qu'il veut & ne veut que ce qu'il peut: Et qui est cet Esprit lequel cheminoit sur les eaux lors de la genese du monde, lequel de rien à créé toutes choses par le seul mystere de sa parolle & les à ordonnées à

sa gloire pour estre ce monde comme vne
 grande Cité, disoit l'orateur Romain, au liure
 premier de sa Repub. Riche & opulante, com-
 mune aux hommes & aux Dieux, que de ce-
 ste admirable cité l'ordre en est tout le pre-
 mier mobile, & sans lequel toutes choses re-
 tourneroiét en leur premier cahos, Il à dōque
 dit, & toutes choses aussi par luy ont esté faites
 & auant toute œuure il a créé la lumiere: car
 de verité si vous ostes l'ordre qui est la lumiere
 de la Nature vous reduisés tout en ceste nuit
 vniuerselle. Les Theologiens ont diuerfement
 interpreté ses Mysteres plus obscurs, que l'en-
 soph des Hebrieux, ny que la nuit d'Orphée:
 tous s'accordét neâtmoins en ce poinct, qu'en
 ses corps elementaires l'esprit de Dieu y estoit
 infus, lequel estoit comme l'ame informante,
 c'est Embryon de la Nature, couuert & voilé
 d'un abyfine d'eaux, d'une nuit obscure & te-
 nebreuse. Que finalement ceste visible dif-
 formité par vne inuisible puissance harmoni-
 que à receu en diuers genres & especes le cō-
 ble de sa perfection. Ceste mesme puissance
 laquelle manioit comme vne artiste ouuriere
 ceste rude masse, qui en deuoit naistre au le-
 uer du iour premier vn chef d'œuure tres ad-
 mirable en euidence c'estoit infuse comme
 vne secrette & occulte puissance du ciel en
 nos ames, c'est elle laquelle à engendré en
 nous vne harmonique vnion d'affections &

volontez conspirantes au seul but de la conservation de l'homme: qui estoit l'ouvrage seul le plus admirable de la main toute puissante de Dieu, l'homme estant moullé à l'image du fils cōsubstantiel du pere, vn peu moindre que les Anges. Toutesfois l'homme que Dieu auoit voulu exceller plus que toutes choses créées luy ayant dit **S.** Chrysost. hom. 8. sur le chap. 8. de la Genese, voulu preparer toutes choses, comme à vn grand Roy, lequel estant disposé pour faire son entrée en vne cité ses gardes le precedent, ses officiers le deuantent pour luy preparer toutes commoditez necessaires pour sa reception: Ainsi auoit il voulu rendre la terre riche & opulente de tout ce qui pouuoit a souhait accommoder l'homme qu'il auoit predestiné cytoien du Paradis terrestre. En ceste affluence de biens l'esprit maling à tenté l'homme. Dieu s'est repenti de l'auoir fait, son ingratitude d'estar d'innocence auquel il a esté crée premiere-ment ou fait, la randu serf de peché, c'est a dire de la mort: La cheute de l'homme elle procede d'orgueil & d'Ambition.

Toute l'antienne Theologie est riche de ce discours & nous monstre que par ceste eschelle l'homme qui vouloit monter iusques au trosne de Dieu y fureter par sa curiosité quelque dignité par dessus les Anges, c'est ven humilié iusques au plus grandes infirmité de

la nature humaine , pour appaner son ambition & sa vanité . Chassé loing du Paradis terrestre entres les ronces & les espines comblé d'un deluge de miseres, bany de son premier empire de delices.

O Pestilente curiosite de vouloir sçauoir outre & par dessus nostre condition , ô estrange metamorphose l'homme qui estoit vn grand Roy en vne terre fortunee ou naturellement toutes choses luy estoient assubiecties , tout au rebours cōme ils'est reuolté de son Createur ainsi toutes les creatures engédrees pour le seruir elles se reuolent contre l'homme avec vne haine mutuelle, c'est ceste peste d'ambition premier soufflé de l'esprit malin dedas le cœur de l'homme qui la chassé de son estat d'innocence pour le rendre chetif & miserable, esclau de toutes les miseres & infirmittez de la nature humaine : despuis ce germe pestilant d'ambition , luy est demeuré en appanage tout ainsi qu'une fiebure continuë laquelle bouillonne dedans ses veines furete, dedans ses mouëllles luy forme mille chimeres mille fauces images , qui luy font conceuoir mille sortes de monstres. Ainsi l'homme nourry dedans l'intemperie de ceste fiebure, ignorant du repos, ne trouue de soulagement que dedans la guerre laquelle il fomante de la corruption de ses mauuaises habitudes , finalement comme la Salemandre se plaît dedans le

feu, les Pyraustes dedans les plus ardētes fournaïses. Ainsi l'hōme naturellement ambitieux ennemy de l'isonomie ne peut trouuer de cōtētement qu'au desordre, ce vice est plus attaché aux hommes plus esleuez en dignité qu'aux autres. Ainsi les Anges d'une nature plus pure, plus sublime, plus proches du trône de Dieu ce sont voulu esgaller à luy, & se placer en son lieu. Il ne faut dōc s'esmerveiller si la dignité Royale est si enuieée, si la corruption de nostre nature est susceptible de tant de mōstres pour ruiner ceste souueraine puissance legitiment instituée de Dieu. Comles Geās ammoncelent mōtagnes sur montagnes, pour escheler les cieux. Ainsi les esprits ambitieux par vne monstrueuse gygantomachie entassent mille montaigneux desseins qui seruēt enfin de tombeau pour enseuelir leurs vies & leur ambition d'un esclat de tonnerre d'un Iupiter non fabuleux. La France disoit S. Hierosme estoit incapable de nourrir des monstres, l'ambition par son haleine pestilante à tellement infecté la serenité de lair François qu'il n'aye peu d'ames exemptes de ceste epidemie. Despuis chascun vouldroit cōmander s'il naissoit autant de Royaumes que datomes aux rayons du Soleil, ô que d'esprits portez à les occuper. Que la France nous en aourny despuis trente ans d'exēples funestes: c'est faute de Religio, mere nourrisse de l'hu-

milité laquelle plus que nulle autre vertu en-
 seigne à ceux qui s'ont nés pour obeir que c'est
 sacrilege de violer les puissances souueraines,
 instituees de Dieu pour commander. Comme
 il y a eu des esprits si mal nés lesquels pour
 flatter les ambitieux se sont estudiez à
 tellement saper & miner l'autorité des
 Rois & les deprimer que les mains enfantines
 pensent donner atteinte, iusques au plus su-
 blimes couronnes: Il ny a sorte de meschâtes
 inuentions que ces bouches prophanes & sa-
 crileges n'ayēt mis en lumiere pour enseigner
 entre nous le mespris de nos Princes souue-
 rains de les despouiller de ceste Auguste Ma-
 jesté de laquelle Dieu enuironne leur trosne,
 à fin que sans scrupule de conscience on fut
 conuié de porter les mains violentes sur leur
 sacrees personnes. O France que n'as tu pas
 veu, mais combien as tu trop veu par ses in-
 fernalles leçons lesquelles instruisent les es-
 choliers de Sathan à la reuolte, & à la rebelliō,
 ceste heresie plausible aux ames anarchiques
 de tuer les Rois n'a elle pas reduit la France à
 deux doigts de son naufrage, le corps de cest
 estat quasi vuide de sang espuisé inconsidere-
 ment par tant de mains parricides nous ont
 faict nager dedans vn occean de sang, cruelle-
 ment respandu de nos meilleurs citoyens. Ce
 fut lors que la Rebellion comme vne Circe
 metamorphosa tant de François en Tygres, en
 Lions

Lions, en bestes alterees de nostre sang, & depuis la France à peine commençoit elle à reprendre ses forces, d'estre sages à ses despans par les traiaux sur herculans de ce grand heros Henry le grand le miracle des Princes Chrestiens, que le voila par les preceptes de ses assassins versé par terre au point qu'il traualloit à nous ietter les fondemens d'un plus solide repos. Hé! quoy, comment? ô France nostre mere commune pouuons nous apres ceste perte si funeste, si mal encentieuse nous us représenter que tu ne respires plus que par quatre gouttes de sang Royal, ô peuple François qu'elles nous doiuent estre bien precieusement cheres, & encore ie ne sçay quels enfans de la nuit saffraniers, bâqueroutiers lesquels apres que l'ambition les a deuorez, veulent engeance naturelle de viperes pour renaistre en vne meilleure fortune, donner atteinte aux parties plus noble de l'Estat par leur dent sale & venimeuse de quatre elements, le monde est composé & de leur caues secondes; le reste de l'vniuers; les quatre gouttes de sang Royal; ce sont les parties elementaires de l'Estat, hélas! ne les diuisions point, leur vnité sera nostre fœcondité. Retirez vous donc esprits abuseurs de ce grâd Prince n'alterez point ceste belle harmonie: Que pouuez vous profiter au cahos de l'Anarchie, la Religion, la pieté, la iustice, l'hu-

manité, la société, la liberté y sont muetes, les humeurs plus corrompues y alterent tellement la santé de l'estat qu'on ny voit plus qu'un nouveau deluge de miseres, comment nos dernières folies ne peuvent elles nous rendre sages. Il y en a qui ne sont rien mieux que quand les autres sont plus mal, soit l'Eclesiastique, soit le Noble, soit le tiers Estat, que peuvent il imaginer sous la tyrannie d'une guerre civile, sinon un flux & reflux de continuelles miseres, nous ne saurions retirer nostre veüe sur l'image de nos dernières guerres civiles, sans honneur & sans effroy, c'est le banquet des Lapithes, tout y regorge de sang, Dieu c'estoit seruy de la main victorieuse d'Henry le grand, pour renoueller la France, non comme fit ceste Magicienne par les herbes choisies sur diuerses montagnes, les vieux membres d'Aesom, sa Panacee pour ouurer toutes ses merueilles, ce fut de rappeler la pieté, la iustice pour raieunir la France, & luy restituer sa santé premiere, l'esprit malin ialoux de nostre longue prosperité ou nous indigner de iouir plus longuement d'un thresor inestimable prestant trop librement les aureilles aux damnales inspirations de ses esprits factieux nous auons perdu nostre ioye, nostre allegresse, mais come un mesme Soleil en la cité D'Helvopolis veoit quasi en un moment mourir & renaistre le Phœnix. Ainsi la France en perdant

cest inuincible Monarque à veu de son sang
 genereux renaistre vn petit S. Louïs comme
 vn autre Phœnix cest Aigle Royal ne pouuoit
 engendrer vne colombe du sang heureuse-
 ment meslé de Bourbon, Autriche & de Me-
 dicis. La France au temps que par cest exe-
 crable parricide ou pensoit la veoir blessée à
 mort cest Auguste Parlement par son arrest
 luy redonna la vie par la Regence de la Royne
 Regente veritablement digne du nom de blâ-
 che de Medicis, l'vne & l'autre blanche de
 Castille & de Medicis on veu leur estat trou-
 blé par les plus proches du sang Royal, l'vne
 & l'autre par vne mesme prudence ont re-
 duiët toutes personnes à leur deuoir les Prin-
 ces n'en sont à blasmer ny en vn siecle, ny en
 l'autre, mais les ennemis secrets de cest estat,
 lesquels fôt glisser en leurs esprits mille sortes
 de pernicious desseins ruineux autant & plus
 a ceux qui les escoutent qu'à ceux qui les dô-
 nent, l'histoire en est riche d'exemples ces-
 sant les imprecations de ceux qui patissent des
 effects pernicious de leur legereté. Je sçay biē
 qu'il y a des esprits de feu & de sang qui ne
 treuuent de consistance à leur humeur, que
 dedans les desordres ou ce foment leur am-
 bition comme dedans son estre naturel; reti-
 rons nous François de ce dangereux precipice,
 ce ne sont que syrtes & deserts, la face qui
 nous aparçoit, c'est l'image des Isles fortunées,

mais quoy les Cyclopes y sont mussez dedans les spelunques de ses plausibles conspirations, qui nous porte là nos langues prophanes medisant du Roy de la Roynne censurans leurs actions comme s'ils estoient nos iusticiables.

Arrestez vn peu esprits frenetiques, ialous de nostre repos & du vostre, considerez vn peu en la physionomie de ce ieune Louys petit grand Roy, l'image du Pere, ou plustost vn Epitome de toutes les merueilles du Ciel, d'vn petit Dauid, lequel avec ses pierres scaura bien ruer de ses ieunes bras ses monstres sourcilleux par terre Quoy ce petit innocent ne pourra-il rien sur vos humeurs farrouches? Et vous grands qui vous laissez seduire à ces Architophels, fuyez aussi prudens qu'Vlysses le chant de ses sereines, on vous repaist dedans vos Cabinets de la douceur des Sceptres, & des Couronnes ô pestilentes & dangereuses amorces de l'embrassement de ses nuës, vous ne pouuez concevoir que des monstres predestines à vostre ruine entiere, si vous estes capables deormais de raison esprits enforcelez: estimez-vous que le Ciel ne donne ses Anges pour environner le trosne de ce pupille Royal comme de Soldats stationnaires, mais quoy d'esprits Angeliques, qui voyent par l'esprit de Dieu qui preuoient vos desseins auant leur naissance, qui en scauroient bien detourner sur vous les mauuais effects à la ruine

& confusion de ceux qui les aurōt machinez. C'est vn sacrilege aux mains prophanes de souiller d'vne mauuaise liqueur les vases sacrez: cest vn aussi grand sacrilege a ses esprits sceleres d'inspirer aux esprits des grands de mauuais desseings cōtre les puissances souueraines. Le tiltre d'un homme de bien & bon François, c'est de craindre Dieu, & seruir fidelement son Roy, maxime inseparable de la Religion Catholique, qu'un homme traistre au Roy ne fut iamais bon Chrestien: aussi les ambitieux n'ont il point de Religion, par ce Machiauelisme, que si il faut violer le droict la cause en est plausible pour regner. La nourriture des ieunes Princes elle est de grande importance en vn estat, on leur peint des Images du bien desquels si on oste l'artifice, on y veira de vaines images de leur mort. Les grāds n'ont de solide fermeté en leur condition que sur la base immobile de la dignité Royale, si d'un estat vous en ostez l'image du Roy, qui sera Prince, qui Duc, qui Comte, qui Marquis, qui Grand. L'estat dernier de la ligue nous le peut faire voir, ceux qui estoient nés de la lie plus vile & abiecte cōmandoit en ce Royaume des aueugles, en cest Empire des fols, la vraye & naturelle grandeur est aneantie, & comme les escargots naissent en vn moment de quelque tiède chaleur & se roullent confusement dès leur naissance. Ainsi est-il des grandeurs

Anarchiques qui n'ont rien de plus ennemy que l'ordre, rien qui leur blesse la veüe, que l'image d'une vraye grandeur, rien qui les soustient, que la confusion & intemperie de nos esprits, lors que ne pouuans supporter nostre fortune presente, nous cherchons les ombres, & les figures d'un bien trompeur dedans l'apparence duquel nous allons auidentement & gloutement chercher nostre ruine pour vous tirer de ce labyrinthe, ne cherches grands de la France. autre lustre que celuy des Planettes au milieu du Soleil, lequel communique à tout le globe celeste, les effects doux de ses influences, ne vous en eslognez plus, vous n'avez de lumiere que de luy hors de son Auguste presence, vostre petite cour est un Empire de Democrite, c'est pour y pleurer & rire, ce sont atomes de vanitez qui se contournent tousiours d'un mouuement inegal. Il n'est du Roy ainsi, c'est l'image viue de Dieu en terre, ce n'est le peuple, ny la fortune qui la esleue à ceste Auguste & sublime dignité, c'est la loy de l'estat, c'est la prouidence diuine, laquelle en Salomon dit cest par moy que les Rois regnent, comment les esprits factieux estiment-il que la Royauté ouurage du ciel soit une tiffure d'araigne qu'un freslon pense rompre c'est un ouurage de plus longue duree que l'Empire des François, Dieu le soustient despuis tant de siecle de sa main tou-

te puissante. Penseriez vous bien que sans ceste surnaturelle assistance elle eust peu eui-ter tant de violans efforts de si puissans enne-mis, tant de gigantomachies, ceste longue du-ree vous est elle enuieuse, cherchez vous le chemin de vostre ruine, c'est l'aneëtissemēt de l'authorité Royale, vous me direz Messieurs, qui prestez trop l'oreille à ses mauuais Con-seillers d'estat, qu'elle n'est pas ce qu'il vous preschēt, quoy? de rendre le Royaume comme les Parlemens alternatifs pour y regenter à vo-stre tout, il y a des choses lesquelles si elle re-çoiuēt vne fois de l'alteration en leur premier estre, elle ny peuuēt plus retourner. Hé! quoy en pensez vous moins de la France si on auoit alteré la loy fondamentale de l'Estat) on ya souuent attenté & trop) qu'il fut possible d'y retourner. Que ce sont de dangereuses propo-sitions, aussi bien que les maladies ausquelles on se sert de remedes desesperez. Retournez donc à vous & vous donnez le loisir avec vn esprit epuré dedās l'amour & crainte de Dieu, que tout Royaume en soy diuisé sera desolé. Que les grands plus ils sont grands, plus ils doiuent contribuer de genereux efforts à la cōsetuatiō de l'Estat dedans la seureté duquel est constitué tout leur bien estre, s'il y eust ia-mais temps de fermer l'oreille aux ennemis de vostre honneur & du repos de la France. C'est maintenant Princes & grands Seigneurs

que vous voyez la France reduite à quatre gouttes de sang Royal. L'histoire de nos dernieres troubles vous doit servir de leçon, pour sçavoir à quel dessein on debauchâ feu Monsieur le Duc d'Alençon de la Cour, pourquoy tous les Princes du sang dés-vnis d'avec le Roy, sinon pour affoiblir l'Estat en ce que la guerre en oste tousiours quelqu'un pour les reduire à si petit nōbre, les affoiblir, tellement qu'il soit facile à ceux qui veulent entrer en ordre d'en esperer quelque bon effet qui vouldroit sur ce subiect parcourir, ie ne diray toute l'histoire entiere, ce n'est mō dessein; mais vne parcelle des guerres ciuilles, sous les regnes de François II. Charles IX. Henry III. & de nostre Henry le grand, on apprendra à suffire qu'il n'importe peu à tous ceux qui sont du sang Royal d'estre bien estroictement vnis, l'ordre de ceux qui ont entrepris autrefois leur dés-vnion pour en tirer profit n'est pas esteint & supprimé, si les Princes du sang à part sont grands. ils sont inuincibles en leur grandeur estant bien vnis en'emble, comme il s'est rencontré sous Henry le Grand peu s'en falut qu'un des plus puissans de cet ordre ne fut desbauché par les artifices du temps, mais il tient ferme & cest au singulier bonheur de la France, si telles importantes considerations estoient religieusement examinees par vous grand Prince, la prosperité du Roy seroit

seroit le seul & unique obiect de vostre Ambition, toutes les lignes de vostre cœur seront portees droit à l'aimer & cherir cōme la plus solide colonne de vostre Royale maison; mais quand bien vos desseins gauchiroiēt d'un autre part. Que pouuez vous esperer de mieux que ceux qui voulurent brouiller l'estat de S. Louys : Vous este seul, ils estoient plusieurs du sang Royal blanche de Castille, les menaçant de son gros Canon. Ainsi appelloit elle l'autorité du Roy son fils bien que ieune & de son Parlement, pour les faire declarer criminels de leze Majesté, cela dissipā tous ses nuages sans coup fraper l'histoire dit, que le Roy Louys VIII. auoit voulu qu'elle eust la Regence de Louys neufiesme son fils & son successeur sa volonté fut suiuiē. Que d'autre part (disēt tous les historis apres le sieur de Joinuille) elle auoit bien meritee pour la bōne instruction qu'elle auoit donnee à son fils. Ainsi elle luy fut confirmee par l'assemblee generale des Estats. Hé quoy aux premices du ieune aage de nostre petit grand Roy, pourroit-on esperer vne plus chrestienne & heureuse nourriture soit pour la pieté, soit pour les bōnes meurs. Achile fut nourri par le vieillart Chiron de mouelle de Lyons. Ce bon & sage Nector François le Sieur de Souray, que ne promet il point au peuple François pour faire que Loys XII. ne sera iamais inferieur non

plus en prudence, en pieté, en œuvres mar-
 riales, que S. Louys premiere illustre tige de
 la Royale maison de Bourbon, comme le
 Prince est la reigle de sa maison. Ainsi Mon-
 seigneur, si vos desseins ne sont examinés &
 conduits avec plus de prudence sans vous a-
 bandonner à toutes sortes de mouuemens,
 quelingement les bons François feront-il de
 vous, quel les nations estrangeres, quoy les
 Poicteuins, qui vous ont si vniquement che-
 ris, si allegrement receu, sera il dit par l'adueu
 de Bonniuet qui est tousiours pres de vous les
 mains souillees du sang de pauvres, Rustiques
 & de sacrileges & brigandages, & qu'on pou-
 uoit ruiner si on l'eut entrepris, non seu-
 lement dès sa naissance, mais lors qu'il prit
 l'effort avec ses Bandouillers, choisis de l'es-
 goust de saffraniers de toutes especes de gens
 scelerés. Qu'au lieu de tenir la main forte à
 la iustice, pour expier tous ses crimes en la
 teste d'un seul, il recoiue le couuert apres tât
 de cruelles oppressions sur les subiects du
 Roy, vostre souuerain & le nostre, gardez
 vous de ceste honteuse flestrissure vn traict
 d'une plume d'Aigle peut beaucoup pour e-
 terniser vostre nom ou pour le souiller à ia-
 mais d'une tache immortelle & indelible.
 Cest obiet ne peut estre dauant vos yeux sâs
 entrer en iuste ialousie de vostre reputation,
 faut peu pour la conseruer donnez la en de-

post à la bien-veillance des François par les moyens legitimes de lanquerir & de la conseruer. Il n'y a rien qui ne soit en vous.

Vos mouuemens desquels on ne cognoist vn seul legitime subiect tiennent la France en alarme, en ombrage quel sera l'esclat de vostre iniuste courroux. Vous estes irrité contre Poictiers sans subiect, soit qu'on vous y aye conuié ou bien que ce soit de vostre mouuemant en terme d'estat apres les mouuemans de S. Menchou ou ceux de Poictiers vous estant accompagné de Bonniuet qui les auoit mesnagez comme vn Pyratte, cōme vn Turq, non comme leur voisin & comme Chrestien, & d'autres de mesme farine, pourroit-on vous receuoir humainement approuuer leurs actions par vostre approche & sans commandement du Roy expres comme il nous auoit defendu, il ne faut dissimuler sur le subiect de vostre depart clādestin de la court ne receuoir persōne qui nous peut cōmāder. Pouuiõs nous ne deuiens nous en terme d'estat vous ouvrir en telle occurrāce, ny nos portes, ny nos cœurs si vous nous considerez comme subiects obeissans. Nos cœurs sont comme le point geometrique lequel ne reçoit point de diuision. Il ne sont capables d'aymer ny de vouloir que ce qu'il plaist au Roy, ainsi vous les pouuez & deuez excuser. Vous blaīmez Monseigneur le Reuerend Euesque comment

& de quoy d'auoir veillé sur la Cité qui luy est
commise en garde. En vain le cytoien veille
pour la garde de la Cité si Dieu ny veille pour
luy. Et nostre Pasteur aura les yeux fermes
quand tous les autres ont les yeux ouuerts.
Deux choses resistent à ceste creance, ceux du
nom de Chastaigner n'ont iamais esté à autre
qu'aux Roys, ny pensionnaires d'autre mai-
stres: nostre Euesque instruit en leur eschole
n'est pas moins heritier du nom que de leurs
vertus: Le Roy deffunct l'aymoit qui l'auoit
vivant esleu & choisi pour seruir à Dieu & à
luy en ceste charge ayant vne parfaicte cog-
noissance de ses merites par les grands serui-
ces faicts à ceste Couronne pres de sa saincte-
té, trouuez-vous estrange si la Royne regente,
qui recognoist tous ceux qui ont bien seruy le
Roy deffunct, luy continuë, l'honneur de ce-
ste mesme bien-veillance, si il mesnage ses a-
ctions en sorte que le serment de fidelité que
tous Euesques sont tenus de prester au Roy
dedans son Royaume, auparauant l'investitu-
re ne sort du bout des leures, ou comme beau-
coup de mauuais François instruits en l'es-
chole de ce Sycophante Grec, qui iuroit de la
langue & non du cœur, si luy imbu des meurs
des anciens Gaulois ne peut souffrir que son
troupeau soit rauagé, religieux obseruateur
de son deuoir enuers le Roy par dessus tout
autre respect que de son seruice que les Per-

sans enuers leur Prince, les loix & coustumes des hommes disoit vn iour Artabanus à Themistocle banni de la Grece avec subiect, sont differentes Themistocle & y a des choses tenues honnestes en vn pays qui ne le sont pas en vn autre, mais bien en est il honneste par tout de garder celles de son pays. Quant à vous autres Grecs rien ne vous est en plus singuliere recommandation que la liberté & l'egalité : Mais nous autres Persans estimons que la plus belle & sainte ordonnance que nous ayons soit celle qui nous commande d'honorer, seruir & reuerer nostre Roy ne plus ne moins que l'Image du Dieu viuât, qui regit & gouerne tout ce monde. Leçon toute Chrestienne & puisée de la viue source du Christianisme. Hé quoy eust il esté honneste à vn si religieux Prelat de souffrir que ceux qui sont de son troupeau eussent moins de zele à s'esuertuer en toutes sortes d'offices & deuoirs à complaire au Prince souuerain, que Dieu par ordre d'une legitime succession au singulier bon-heur de la France à constitué sur nous d'une si illustre tige. Ainsi ne s'estoit rien passé à Poictiers que pour seruir le Roy selon son intention pourquoy en sçauoir mauvais gré, ny à ce bon Prelat, ny au Magistrats, ny au peuple. Si vous estes d'un mesme cœur que nous, conduist par vn mesme esprit pourquoy tenez vous toute la France en in-

quietude & en armes, vous en estes le seul su-
 iect. Qui doit plus procurer la paix que vous
 la guerre est la mere nourrisse des cruantez de
 l'anneantissement des loix, marastre des ver-
 tus Chrestiennes, nourrisse de monstres plus
 dangereux que ceux que l'Affrique nourrit,
 faultrice des sacrileges, des meurtres, des assas-
 sins, de l'Anarchie capitale ennemie de la di-
 gnité Royale, la Paix fille du Ciel ouurage
 d'Henry le grand, que Dieu auoit choisi mira-
 culeusement pour instrument de sa gloire au
 reestablissement de cest estat, source seconde
 & inespuisable de prosperitez. Voudriez-
 vous bien ternir l'honneur de sa gloire, ce bon
 Prince en combien de façons fut-il vostre
 bien-faicteur. C'est luy qui vous tira de la ca-
 priuité de Babilone pour vous faire iouyr par
 toute la France des honneurs & des preroga-
 tives du premier Prince du sang: du lieu di-
 où on auoit concerté de vostre vie sans aucu-
 ne forme de iustice, vous estant au ventre de
 vostre mere Madame la Princesse de Condé
 vous sçauiez comment elle y a esté traictée,
 sous quelles loix les Pyrates ont quelque ima-
 ge de Iustice entr'eux, que neantmoins tou-
 tes les plumes de ce temps-là n'ont sceu don-
 ner au iour aucun discours Apologitique de
 leur sceleree procedure, & il y a de ce vieil
 leuain qui disposent encores vos mains à rui-
 ner & demolir les fundemens de vostre mai-

son, celuy est bien enfant qui brusle sa maison. La France est l'heritage Royal, l'aîné de la maison y commande par la loy de l'estat, & vous preschez vostre ruine par les mesmes artifices dont les perturbateurs du repos public se sont seruis pour porter ce flambeau de diuision par tous les endroiets les plus Augustes de ceste maison Royale, pour la mettre comme vne seconde Troie en feu & en sang & en cendre, sans espargner les Dieux tutelaires de vostre maison. Retournez à vous, Monseigneur, arrestez vn peu vos yeux sur ceste naïfue image d'Henry le grand vostre grand bien-faïcteur, qui a conserué vostre rang contre ceux qui vo^r ont voulu precéder de degré. A la Roynne nostre bonne Dame & maistresse, que ne luy deuez-vous point. Mais tous les ordres de la France, à vostre retour de Flandre elle vous à ouuert ces thresors inestimables, & de ses bonnes graces & de ses Thresors vous y auez puisé à pleine mains ce qu'il vous a pleu pour rachapt de vostre antien domaine & pour autres grands acquests, vous n'estes encore content, souffrez-vous que la Posterité vous reproche que pour se garder de vous tous les thresors de la France sont espuiséz, gardez vous de ce preiudice contre l'honneur de vostre reputation, si vous repliquez de quoy ce pleint-on ? qu'ay-ie faïct ? qu'ay-ie demerité ? donnez à la France quelque legitime excuse

de ses mouuemens de S. Menchou, ce que vous auez demandé hors de raison, hors du lieu de toute plainte iuste, on vous la donné de la part de la Royne entre en execution de ses promesses ce pendant que par conseil sorti de mesme veine vous luy ourdissez vne nouuelle toille en Poictou par ce moien desbauchant toute la France pour ouurir les yeux à ce nouuel orage, le Roy & la Royne y accourrent, vous vous roidissez d'entrer en Poictiers mal à propos sur vn mauuais subiect, accompagnés des ennemis du Roy & de la ville, ie diray des vostres, si iamais Dieu vous inspire à iuger sainement de leurs mauuaises intentiōs & actions, les effects ont porté sensiblement à iuger des choses comme il faut, leur plus viues pointes droict à vostre honneur. Car il y va du crime de leze maiesté, quand vn suiet s'arme contre son Prince, qui auoit mis les armes entre les mains de Bonnuet pour tant de sacrileges, c'est le fruit de ses armes, rançonner les subiects du Roy, a quelle fin tant de brigādages & demeurtres, & ce qui ce passa à Thuré, ces crimes si enormes peuuent-ils bien trouuer le couuert sous l'abry d'un si grand Prince. Non nous ne pouuons ny ne le deuons penser, ny iuger de cest affaire sur l'image des simples apparences, nous estimons tous que ses actions si scelerées de si mauuaise odeur à tous les ordres de la France, qui ont

contribué quelque manque de leur iuste re-
sentiment à vostre recente oppression , nous
promettant en la face des Estats , lieu de la
souueraine Iustice du Royaume vn honteux
desadueu de luy & de tous ses suyuantz. C'est
là où nostre Roy Loys Majeur entendra vos
pleintes de meilleure part que d'aucun autre,
si vous luy donnez quelque bon Conseil pour
le bien de son Estat & l'vtilité de son peuple,
toute la France vous y souhaite avec ceste
bonne volonté d'y apporter tout ce qui sera
pour l'honneur & dignité de ceste Couronne.
Tout le peuple lit au cœur du Roy par ses pre-
mieres actions, qu'il aymera ses subiects com-
me vn bon pere de famille ses enfans. De S.
Louys on disoit que sa maison estoit comme
vne Eglise, son train estoit Royal , il ny auoit
rien de superflu , il y auoit abondamment en
son espargne dequoy donner à ceux qui le me-
ritoient qui reigloit tellement ses finances &
y auoit l'œil si a propos que mal aisement ses
officiers pouuoient le desrober, chastioit les
delinquans avec vne opportune seuerité, il ai-
moit les lettres & lettrez , se plaisoit a lire &
ouyr les bonnes choses. Le Royaume s'estant
rempli d'iniustice à cause de la venalité des of-
fices, estant trop certain que ce qu'on achapte
en gros on le reuend en detail, il defendit ri-
goureusement le sale cōmerce des consciēces
comme des estats , si bien qu'il fut pourueu

aux charges vacantes, non au prix de la finance, mais par le seul merite des personnes avec cognoissance de cause, pour conuier les gens de bien à l'estude des bonnes lettres, donnoit libre audiance à son peuple au bois de Vincennes, & bié souuent assis sous vn arbriceau en grande simplicité, comme vn Pere donnant conseil à ses enfans C'est la mesme instruction que la Royne Regente donne à son fils, que souloit donner Blanche de Castille à S. Louys agé de douze ans, & nous promet par infinis heureux presages en ses Estats prochains de reigler les desordres du temps. Le Roy deffunct auoit laissé des premices d'un siecle d'or par vne longue paix. Nous esperons si vous, Monseigneur y voulez contribuer, ce que vous y pouuez & deuez. Que ceste felicité procurée par les armes victorieuses d'Henry le grand, & l'alliance des deux plus grands Monarques du monde, iugee par vous vtile & proffitable au Roy & à son Estat, que ceste paix par la seule obseruance des Edicts du Roy y sera d'eternelle durée, & si la necessité des guerres civiles auoit donné credit à quelques Edicts burfaus que à ses prochains estats toutes choses serót reiglees en sorte que la Religion y sera plus nette & libre & en ses fonctions, la iustice mieux rendue & le tiers estat entierement soulagé par la iuspersion des Edicts qui vont à la foule & oppression du pauvre peuple dont

S. Louys auoit ieune tefmoigné auoir beaucoup de soing, ayant appris de S. Bernard que les principales pierres du temple de Dieu estoient viues, qu'il les falloit plustost ordonner de bonnes mœurs que de riches murs. Ainsi nostre autre Louys soit par le soing qu'il aura de repürger les abus des Ecclesiastiques & composer par son imitation tout son peuple à toutes sortes de pieuses & religieuses actions, ses Edicts cesseront le formulaire de sa vie, lors tout ira bien, & à la mienne volonté que l'ambition des grands soit en ce seul point de concerter d'amour & bienveillance enuers son Prince & a qui mieux fera chez eux en sa charge pour le bien & fidèlement seruir, & tout ira de si bon train que la France sera la viue image d'un Estat Royal, toutes choses s'y trouueront heureusement placées en leur degré toute autre ambition, si ce n'est de bien faire & de bien viure & desplaisant à Dieu & aux hommes, l'ambition n'est pas en l'esprit des grands sans les effects de puissans charmes & semble quel ne vielist point aux grands. Mais quoy ce sont ambrassemans d'Ixion de ses nuees empoules du vent de leur passions, il n'engendrent que des monstres: tout ce que nous auons veu iusques icy nous en fait voir des fruiçts si amers que tous ceux qui par le desordre se veulēt aduācer plus qu'ils ne doyuent, doyuent estre chassés & excommuniés

comme pestes des Estats. Il y a des vins dit Plin-
 ne en quelque endroict au cap Trezenien qui
 gardent d'engendrer ceux qui en boyuent, ce-
 la mesme faict l'ambition aux grands ils ne
 produisent iamais rien de bon, la vertu est ste-
 rile en eux. Il y à des fontaines lesquelles
 sont en la petite Tartarie, qui sont irremissi-
 blement mourir ceux qui en boyuent sans
 aucune douleur il n'est ainsi de ceux qui hume-
 rent à si long traicts le delitieux venin de
 l'Ambition, lequel semble à vne eau d'Arca-
 die laquelle n'a aucun mauuais goust & qui
 faict mourir ceux qui en vsent, comme
 cest vn sort egal à tous ses ambitieux esprits
 estouffez sous les montagnes qu'il forgent en
 leurs desseings pour seruir d'escheles à leur
 fresse grandeur. Aupres D'ortho, Affio di Bru-
 ciâ sur la mer Maiour en la Region de Tocar
 il y a des saisons ou tout le miel des mous-
 ches se rencontre venimeux à cause du pastu-
 rage, cela c'est rencontre en la France quel-
 quesfois ou tous les esprits estoient portez au
 desordre & à la confusion. Mais nous auons
 changé d'humeur, la France est vn grand corps
 animée d'vn seul esprit qui nous porte tous
 au centre de l'obeissance en droicte ligue, nos
 esprits ne sont plus capables d'autre leçon, les
 grands ont beau à remuer Ciel & Terre, les
 mauuais humeurs suyuront les vieilles vlce-
 res, tout le reste du corps en sera plus sain, plus

fort & robuste, & inuincible, & mesme contre vne si petite troupe qui escrime contre son Roy n'est iamais fort, Dieu luy oste la force & le iugement, Henry le grand nous en a serui d'exemple, ce petit Innocent Royal, ce vray tige de S. Louys par ses Royalles vertus, par son hereditaire clemence & bonté nous appelle tous à luy, commancons & finissons pour luy toutes nos meilleures actions, ce sera nostre gloire & nostre repos.

Pour recueillir mes esprits considerez grād Prince, que vous n'estes pas tant à vous qu'à la France, laquelle à vn tres notable interest de vous voir au lustre de vostre grandeur, qui ne peut estre que pres du Roy. La Lune s'esloignāt du Soleil elle a plus de clarté, il n'en est ainsi des Princes, plus il s'approchent des bōnes graces du Roy, plus ils ont d'esclat par la reflexion de ceste Auguste lumiere Royale, sur leurs personnes sacrees, ie dis bien sacrees non pour leur condition particuliere, sinon pour estre du sang Royal, & comme enfans de la maison & hors les bōnes graces du Roy, toute leur vanité ce n'est rien qu'une nuit obscure en laquelle les plus asseurez chancelent, comme font tous ceux qui fuyent la serenité des yeux de leur Prince souuerain, Prince qui est vn beau iour pour eux, s'ils ont les yeux capables de iouyr de ce bon-heur: au contraire s'ils sont veus d'un mauuais œil le

usuffruiet du Soleil au plus clair du midy leur
 est inutile & ennuyeux ; toute clarté les of-
 fence, ils cheminent en tenebres, leur pruden-
 ce n'est qu'é folie tout ce que bastit leur ambi-
 tion est sur vn sable mouuent leur grandeur
 n'est que fumée, leurs trosnes, leurs sceptres,
 leurs couronnes ce sont images d'espris, bles-
 ses leur contentement ne passe point leur fo-
 lie. Il faut que les grands & les petits croient
 que Dieu est le tuteur, & protecteur de la di-
 gnité Royale, celuy qui appelloit Cyrus son
 oinct, Prince idolastre, que ne fera il point
 que ne fera il point pour conseruer le vray
 oinct du Seigneur, le fils aîné de son Eglise,
 le nourrisson des Vertus chrestiennes. Rece-
 uez donc bon Prince tous les vœux de la Frâ-
 ce enuers la Majesté diuine pour aduancer
 vostre retour pres de leur Majestés. La vous
 pouuez asseurer vostre repos & le nostre, vous
 auez desiré les Estats, le Roy les vous accorde
 donnez à toute la France le fruit qu'elle at-
 tend de vous de montrer à tous ceux qui vous
 sont de beaucoup de degrez inferieurs en grâ-
 deur par vn important exemple, que tous les
 ordres ne peüent apprendre de ceste action
 que respect & obeïssance enuers le Roy vo-
 stre souuerain Seigneur qui osera vous estant
 déclaré, & de bouche & de cœur ennemy ca-
 pital des rebelles, plus songer à troubler son
 estat, vous ne pouuez en ses saintes affectiôs

estre plus vtile au Roy & à s^o Estat, qu'à vous
mesmes. Là le ciel vous ouurira le thresor de
ses graces, vne seconde pluie de benedictions
fera versée doucemēt sur vostre maison, Dieu
vous donnera des enfans pour seruir le Roy,
l'Eglise, & la Frāce, si en vostre retraicte vous
auez eu des amis, il ne faut pas que vo^s soyez,
Monseigneur, l'azyle & refuge des mal-con-
tans, par la voye de la douceur, leur procurāt
les bonnes graces de leurs Majestez, lesquelles
ne vous peuuent estre deniez estant pres d'eux
de cœur comme de corps, vous pouuez pro-
curer du bien pour vous & pour autrui, &
faire perdre à tous ceux qui seront bien sains
d'entendement toute occasion de malfaire &
de mal penser. Je n'estimeray point de meil-
leurs amis que ceux qui en ses mouuemens
derniers n'ont en autre obiect que de bien ser-
uir le Roy, soit à Poiçtiers ou ailleurs (obeis-
sance en telles occurrances vaut sacrifice) ne
vous imaginez point qu'il s'y soit rien passé à
dessein au mespris & respect de vostre qualité,
tous recognoissent assez estre comme insepa-
rable d'estre seruiteurs du Roy, comme bon
subiect, & des Princes du sang, par respect
comme estant de la maison Royale, à toutes
occasions qui importeront l'honneur de vo-
stre seruice, vous le cognoistrez par effect.
Vous estāt biē avec le Roy, vous n'auez aquis
peu, ce n'est seulement le cœur de Poiçtiers,

ou d'une autre prouince, mais de toute la France: nous imitons la fleur du Soleil toutes nos actions suivent ainsi la volonté de nostre souverain Prince ayant l'œil sur vous nous l'aurons aussi. En Beotie pres du fleuve Tryphonien, dit Plin, en quelque lieu ou il y a deux fontaines le lōg du fleuve d'Orehomene dont l'une faict bonne memoire, l'autre l'a faict perdre, qu'ainsi vostre excellence, Monseigneur, ayant comme vſe de l'une & de l'autre de ses eaus face que vous ayez tousiours memoire des bons seruiteurs du Roy & l'autre vous face oublier toute autre uindictē particuliere contre ceux que par flatteries & artifices du mensonge on a voulu eslongner de l'honneur de vos bonnes graces, & particulièrement les Poicteuins qui ne manqueront iamais de religieux respect uers vostre Auguste qualité en toutes occasions, lesquelles importeront le service du Roy & le vostre, & coniuons vostre bonté de le croire, ainsi pour quelque chose qui ce soit passé, & imputer le tout pour service du Roy, qui est le seul & unique obiect de nos ames. Apres auoir rendu ce grand Prince par mes uœux & prieres. Je dis par celles de tous les bons François pres de vos Majestez, si le bon Ange de la France peut autant sur luy comme de droit diuin & humain, une religieuse & genereuse humeur luy doit conuier & conduire sous les fauorables

rables auspices du ciel, source seconde des meilleures & plus chrestiennes influences. Je m'adresse maintenant à vous tres-grande & illustre Princesse digne du nom de Blâche, non par la seule candeur de vos mœurs, Illustre de nom, Illustre en Pieté, en bonté, en clemence naturellemēt amie de la Paix, pour vous dire que le fruit que vous'auez recuilly de vostre voyage en ces prouinces de Poictou & de Bretagne, vous doit conuier d'vser de ce remede plus d'vne fois pour le bien & repos de vos subiects. Que benit soit celuy deux outrois fois qui vous en a inspiré le premier mouuement, ceste inspiration est sur-humaine, c'est vne inspiration Angelique vn effort du bon Ange, protecteur de ceste couronne. Le Soleil visite par degrez les maisons du ciel, & fait comme vn bō pere de famille, lequel avec vn œil infatigable en vigilance veoit & visite d'vn soing esgal, les necessitez de toute sa famille. Ainsi le bon Prince naturellemēt aime & cheri de son peuple, doit voir d'vn soing esgal, toutes ses prouinces comme le Soleil par la douceur de ses influēces nourrissieres pouruoit à tout ce qui a vie en ce bas hemisphere. Ainsi le Roy visitant son Royaume duquel il est l'ame viuifiante comme le Soleil de la nature par la proche de sa Majesté, releue les oppressions de ses subiects comme cest astre lumineux les plantes plus petites, les redresse leur chef penchant vers l'œil nourrissier de son bien faicteur. Ainsi feront les yeux de tous les subiects du Roy à l'ap-proche de sa Majesté le vray & vnique Soleil de son Estat, les affligez, les veufues, les pupilles, les

pauvres redresseront leur chef, penchât pour implorer en leurs necessitez de la faueur de ses influâces, la iustice & la misericorde, c'est ceste mesme leçon que Blanche de Castille fit pratiquer à sô petit Louys apres auoir doucement dissipé les nuages lesquels sêbloit grossis par l'amas de diuer ses humeurs vnies à vn mauuais dessein menacer son estat d'vne grande tempeste qui fut si heureusement dissipée par le sage & prudent aduis de sa mere conduisant son fils par tous les endroiçts de son Royaume, c'est ce que la France espere avec vn nom moindre fruiçt de Blanche de Medicis, Blanche à bon droiçt, nous la pouuons nommer toutes ses actions n'ont rien que de la candeur, elle aime la paix & la tranquillité en l'estat de son fils elle à soubz le regne de son loyal espoux Henry le Grâd d'heureuse memoire à pris que la paix est le cimêt le plus ferme de la duree des Estats. Que la clemence des Roys est la vertu par laquelle ils ont acquis cest eloge d'honneur d'images & simulachres de la diuinité, Dieu à tousiours fait voir plus sa grandeur en sa misericorde qu'en sa iustice. Ainsi la clemence ce peut appeller seule entre les vertus chrestiennes Royale, assidue compaignie de leurs Majestez, si elle fut iamais chèrement aymee ce fut par le Roy deffunct, c'est elle aussi qui la fait appeller les delices de son peuple, cest celle qui a seule par aduantage sur ses martialles vertus affermy son scepre entre les mains de son heritier legitime nostre très-cher & bien aymé Louys XIII. Ainsi est-il nécessaire, ieune grâd Prince souuerain Monarque de France & de

Nauarre de mouler vos actions sur vn si bon patron, sur lequel tous les bons Roys doiuent s'instruire & droïsser leurs actiōs, comme sur l'Arche-type des Princes souuerains. Il estoit pieux & religieux, vaillāt iuste & droicturier, sage, prudent, magnanime, clement & debonnaire, qui sceut bien ioindre la vaillance & la pieté & l'amour des choses saintes à la modestie de ses meurs, si bié qu'il fut desiré pour Empereur du monde, aimé & chery des estrangers comme celuy auquel Dieu auoit cōmuniqué le plus rare thresor de ses benedictions, nous en auons abusé, peut estre l'a-uōs nous aimé moins que nous ne deuïōs & mōins en soing de luy en nos prieres qui bons chresties & François ne doiuent, Dieu nous la oisté pour nos pechez, nous auons du temps pour amender nos fautes passées & recompēser & recognoistre en son fils tout ce que bō & loyaux subiets doiuent à leur Prince legitime. Qui me fait sur le suiet du damnable Parricide de ce grand Prince rai pre-maturement à son peuple faire vne digression laquelle semblera estre vn peu trop esloignée de ce libre discours adressant vne sommaire requeste à Messieurs du Clergé de France en ceste prochaine assemblée generale des Estats, d'obliger tous les ordres du Royaume par vn solemnel decret, à croire que c'est chose laquelle est inseparable de la Foy & religion Orthodoxe de craindre Dieu, honorer le Roy; que Dieu à constitué sur nous par ordre de legitime succession nostre petit Louys treziesme & successeurs de prier pour luy sur peine d'Anatheme, qu'il soit enioinēt aux cu-

rez d'exhorter leurs parroissies à ceste Chrestienne leçon que tout bon Chrestien doit aymer le Roy, prier Dieu pour luy tous les iours & pour la prosperité de son estat comme œuvre meritoire enuers Dieu, & qu'en cela consiste vn des poincts de la doctrine & Religion Catholique, suyuant les anciens Cōciles lesquels au decret des mœurs doyuent estre suiuis & renouvellez, tirez de la doctrine Euangelique des exemples du vieil & nouveau testament. Premièrement de ne mesdire du Prince que Dieu à constitué sur nous, Exode 22 vous ne detraicterez point de Dieu, ny du Prince qui l'a ordonné, & constitué sur vous. Ce cōmandement à esté randu formidable par les punitions exemplaires que Dieu mesme à fait de ceux desquels y ont contreuenue pour seruir de leçon aux fideles suiuan, il se voit en la personne d'Aron & de Marie, qui auoit murmuré contre Moÿse pource qu'il auoit prins pour femme vne *Æthiopienne* en quoy il sembloit auoir faict contre la loy. Neantmoins Dieu s'hirrita contre eux, les appella & leur dit pourquoy n'avez-vous point craint de parler de mon seruiteur Moÿse: Apres ses parolles comme irrité de leur murmure, il s'en alla & disparut la nuée qui estoit sur le tabernacle, & voila Marie saisie de lepre eut punition de sa detraction. Ha! que si Dieu auoit puni à la rigueur tant de langues serpentines qui mesdisent & du Roy & de la Royne, pour le mariage tres-honorable & vtile d'Espagne, comme si c'estoit aux subiects à contreroller les actions Royales, lesquelles n'ont rien de souuerain au dessus d'elle

que Dieu, combien de personnes frappées de lepre spirituelle. Quoy Semei pour auoir iniurié Dauid, l'histoire en est comme vous l'apprenez en S. Pol aux actes 23. le cinquiesme Concile de Tolède, Can. V. parloit ainsi selon le sens des paroles, que personne n'ait à mesdire du Prince que Dieu nous à donné sur peine d'excommunicatiō, le Concile de Coulougne enioinct expressement aux Predicateurs de parler moderement des Princes, deffence d'inciter le peuple à sedition, le retenir au deuoir de l'obeissance.

Cest en la sixiesme partie chap. 13 & auchap 17. il aduertist qu'il n'y aque la fraternele correctiō qui soit permise aux Predicateurs quand il est question de la maluersation du Magistrat souuerain & apporte l'exemple de S. Iean Baptiste, qui ne descourrit pas au peuple en preschant le crime d'Herodes, mais il l'alla trouuer luy mesme en particulier luy dir, il ne t'est pas loisible d'auoir la femme de ton frere, cela est plus à propos que de remplir vne chere insollement d'iniures & d'inuectiues contre les puissances legitimes. Au Concile de Sens, au decret des mœurs chap. 36. il est dit que le Predicateur qui aura detracté du Magistrat soit suspendu de l'office de Predicateur & renuoyé à ses superieurs pour estre puny selon qu'il aura merité. Si ces saincts Decrets eussent esté bien gardés religieusement en France beaucoup de choses s'en fussent portées mieux & plus vtilement pour cest estat. Il importe donc d'en introduire l'vsage. Messieurs de l'Eglise qui deuez seruir de lumiere au peuple à bien seruir le Roy.

Mais en combien de façons le Roy Henry Prince aussi admirable & loüable en pieté que vaillance. Depuis S. Louys premiere illustre tige du nom venerable de Bourbon vous à il obligés à ce faire: tous les Roys iusques à luy n'ont tant basti de Temples, tant releué d'autels desmolis, ediffié d'Hospitaux, doté de Religieux que luy, ny plus fait de bien à tout le Clergé, il n'a iamais escôduit aucune de vos requestes. Ce seront donc ingratitude de ce que vous n'avez peu luy rédre par l'occasion tragique & funeste à la France par sa mort prematurement aduenüë par vne main parricide ne le rendre à son heritier qui ne le sera moins que de ses vertus, que de son sceptre: faictes donc pour preuenir les mauvaises intentions des langues publiques & des François legiers en leurs impressions importantes à leurs consciences & à l'estat reuiure les antiens Conciles, & mesme celuy de Toledé can. 74. par lequel comme au Concile tenu à Meaux chap. 14. au Concile Oromense qui se fit en Angleterre, en celuy de Mayance tenu sous Rabanus grand & excellent Archeuesque ch. 5. tous ceux qui troublent le repos du Roy & de son Estat, qui conspirent contre sa personne & son Estat sont Anathematisez, chassez de la Communion & société des Ecclesiastiques. De ceste doctrine nous devons tous apprendre ceste belle & Chrestienne leçon que la perfection de l'homme Chrestien (sans laquelle il ne peut estre politique & moins apte pour se nommer membre du corps mystique de IESVS CHRIST, consiste principalement en l'obeis-

sance deuë à Dieu , & par consequent à ceux qu'il à establi sur nous pour nos chefs souuerains, Matth. 10. & 23. Rom. 13. 1. Pier re 2. & 6. chap. Ceux qui contreuiennent de faict & de propos à ses seintes ordonnances, semblent autant indignes du nom Chrestien, qu'il se rendent de la foy Orthodoxe des premiers peres de l'Eglise, & principalemēt celle de Iesus-Christ, qui nous a tous instruits en son eschole d'obeir aux Rois , & qu'il ny a cause aucune legitime, pour laquelle le suiet se puisse en tant que Chrestien desbaucher de la fidelité à laquelle tous bons suiets sont obligez enuers leur Prince. Il n'y a point d'Estat auquel ceste doctrine soit moins en vsage qu'en France par le defect des Ecclesiastiques plus sougneux de l'interest parculier que du public. Que si les Poicteuins suyuent & les actions de leur Prelat , il auront ceste antienne doctrine tellement en vsage que tous autres qui voudroient apprendre à bien seruir leur Roy en prendront les preceptes de vous. Pour couronner ce discours par ou i'ay commecé le premier homme perdit les plus Augustes marques de sa premiere dignité par ladeiobeissance il experimenta toutesfois & en la personne & en sa posterité plus de faueur de la misericorde de Dieu que seueres effects de sa iustice. Cest pourquoy, Sire, Dieu duquel les actions sont toutes saintes & tousiours immitables, vous inuite à la clemence plus qu'à la seuerité de vostre iustice pour l'establissement de vostre autorité, oubliez donc humainement les fautes passées en ses mou-

uémés derniers. Le premier mobile par son mou-
 uement rapide , tire par vne voye aucunement
 oblique , toutes les autres Spheres apres luy ce
 n'est de merueille si le respect des grands peu iu-
 dicieusement separé du deuoir iuste & legitime
 du subiect enuers son Prince de quelque qualité
 qu'il soit, fait que les inferieurs en degré par vn
 mouuement violent & rapide, ont esté par mala-
 die du temps portez par vn sentier oblique fort
 loing de leur deuoir , vn meilleur aduis & plus
 salutaire les fera remettre en la droicte ligne de
 l'obeissance que tous vos bons subiects vous doi-
 uent. Faiçte leur gouter à tous le fruit de vostre
 cleméce, remetant chescun en son premier estat.
 Affin que tous estroitement unis par les forces
 de vostre Amour. Nous protestions de cœur & de
 bouche de vous bien seruir fidellement , grand
 Roy, sera l'unique obieçt de nos ames. Ce sera le
 Cercle qui bornera nostre Ambition, nous pro-
 mettons d'espouser ce legitime desseing avec tant
 d'alegresse que pour l'aduenir estroitement vnis
 de liens d'aimant de vostre paternelle bonté, par
 vne affection esgalle enuers vous. Iamais aucune
 affection bastarde & illegitime ne nous pourra
 seduire , protestons de viure & mourir comme
 bons Chrestiens & Catholiques, vos bós & loyaux
 sujets receuez humainement nos vœux & nos
 prieres pour vostre prosperité , & pour tous en
 partage esgal comme vnis en fidelité , l'honneur
 de vos bonnes graces.

